

1) Lou tierça perdèt :

Franço : 21.856 décès + de counfierma li 9.000 mort à doumicilo countamina pèr lou virus d'après l'estimacioun de MG Franço. S'èro lou cas passarian li 30.000 mort.

Chifro pèr l'Espagno : 22.717 mort e l'Italio : 25.085 mort

Sian en trin de prevèire lou tourna regulié de vosto revisto Li Nouvello de Prouvènço. Dins l'espèro vous mandan uno garbo d'info sus la situacioun atualo à respèt de la pandemio dóu corona-virus, apela tambèn covid-19. Aqueste tèste es apoundu en fourmat PDF à noste mandadis. Poudrés, à voste tour, lou manda en tóuti vòsti couneissènço, pèr faire uno CADENO PROUVENÇALO de reinfourmacion.

2) Manifestacioun anulado

2.1. Cavaïoun : L'Embellido a anula tóuti si manifestacioun dóu printèms 2020. La sant-Aloi, qu'èro previsto pèr lou darnié dissate de Jun es en chanchello.

2.2. Parlaren la Cabro d'Or. La Fèsto dóu 13 de Jun, à la sèuvo di cèdre, es anulado.

2.3. Prouvençau de Cavaïoun : lou travai previst pèr lou printèms es anula. Es ansin que lou Councous de chivau de tiro se fara pas lou 3 de Mai. N'es parié de l'espetacle «*Le village en vacances*» dóu 13 de Jun.

2.4. Mountèu : tóuti li manifestacioun previsto soun anulado en-jusqu'au 1ié de Setèmbre.

2.5. Vilanovo d'Avignoun : La Counfrarié de Sant-Marc plouro la desaparicion de dono Rèino Eyrier que participavo, chasque an, à la Fèsto de la Sant-Marc que, en 2020, es anulado. Lou darnié cop que fuguè anulado èro lou 25 d'Abriéu de 1944. Pèr li 24 e 25 d'Abriéu de 2020, la souco sara pas cremado e restountirara pas la Coupo Santo que, chasque an, plaço Jan jaurès, acabavo la Fèsto de la Sant-Marc. Rendès-vous à l'an que vèn 2021.

2.6. Fèsto de la Musico. Se fara pas lou 21 de Jun. Dins forço vilo e coumuno sara rapourtado au mes d'Avoust.

2.7. Fèsto de bouvino camarguenço : soun tóuti anulado. Li Region Sud e Óucitanio an previst d'ajuda financieramen li manado : 2.500 eurò pèr mes pèr li manado de biòu e 1.000 eurò pèr li de chivau.

2.8. Ventour : es necite de verifica se lis espetacle dóu 12 de Jun à Veisoun e dóu 20 de Jun à Sant-Lóugié dóu Ventour saran pas anula.

3) À prepaus dou labouratòri P 4 de WU-HAN, en Chino, quàuquis entre-signè à la demando de nòstis amigo e ami :

Sabèn, tóuti, que lou terrible coronavirus o covid-19 es esta descubert à Wuhan, en Chino, enormo ciéutat de plusiour milioun d'habitant.

Lou virus, despièi, s'es expandi dins lou mounde entié em'uno preferènci pèr l'Éuropo Ócidentalò, lou Reiaume Uni e lis USA.

Aqueste labouratòri de Wuhan es la resulto d'un pache entre la Franço e la Chino. La Franço a trasferi sa teinoulougìo, forço counsequènto, e li Chinés an realisa li bastimen dóu labouratòri sènso counsensus... emé li Francés. 50 cercaire francés aurièn degu travaia emé li Chinés à Wuhan, mai acò se faguè pas.

Es souto la presidènci de Jaume Chirac que Jan-Pèire Raffarin, proumié ministre, e la famiho Mérieux, avien trata aquest acord, em lou presidènt chinés de l'epoco, afaire que fuguè jamai qu'un marcat d'aganto-couion.

Fàci à-n-quelo situacioun Alan Mérieux quitè en 2015 la presidènci de la coumissioun bi-lateralò Franço-Chino.

En Febrié de 2017, lou premié ministre francés, Bernat Cazeneuve, acoumpagna de Marisol Touraine, ministre de la Santa e d'Ive Lévy, (l'ome de la Buzino) presidènt de l'INSERM, participèron tóuti tres à l'acreditacioun dóu labouratòri P 4 de Wuhan.

L'embassado de Franço en Chino ramentè, pèr aquesto óucasioun, que lou proujèt devié permetre à la Chino, en partenariat emé la Franço, de mies coumprene e preveni lis epidemìo e li pandemìo, çai-inclus li mai dangeirouso coume la gripo aviàri, afin de proutegi la pouplacioun chinés e la santa moundialò. Uno de sis especialita èro la recerco sus li coronavirus di rato-penado.

Aparicioun dóu covid-19

Lou proumié cas de Covid-19 fuguè deteita à Wuhan lou 17 de Nouvèmbe de 2019. De medecin chinés dounèron l'alerto à prepaus d'un novèu virus descouneigu que ié diguèron 2019n-CoV. Dison qu'aurié apareigu vers de gènt que travaia von sus lou marcat de gros di fru de mar à Wuhan, dins la prouvinço de Hubei, en Chino centralò, marcat ounte soun garda d'animau sóuvaje vivènt pèr èstre vendú.

Tre que lou sachè lou gouvèr chinés croumpè un chut estènt que falié crègne que lou novèu virus semblavo l'epidemìo dóu SRAS de 2002-2003, en Chino, qu'avié tua forço mounde

Lou virus, pamens, s'espandiguè lèu lèu sus tout lou territòri chinés pendènt li mes de Desèmbre e de Janvié. Lou 30 de Janvié, es la regioun autounomo dóu Tibet que fuguè toucado.

Lou gouvèr chinés istalè, lèu, à Wuhan un grand espitau de campagno pèr trata li malaut. Lou port dóu masco fuguè óbligatòri e la pouplacioun de Wuhan (8.900.000 abitant), fuguè counfinado. Vuei, à Wuhan, la situacioun es quàsi nourmalo. Mai, ço que l'es pas, es que lou virus, lou covid-19, s'es expandi sus touto la Terro, estènt que Wuhan es uno ciéutat qu'aculis de mounde vengu de pertout.

La questioun essencialo que se pauso es : d'ounte venié o d'ounte sourtié aqeste virus?

Plusiours ipoutèsi soun en pisto :

1) D'abord, se saup, que d'estagiàri chinés èron dins un labouratòri «discrèt», à Winipeg, au Canada. En rintrant en Chino aurien adus, au labouratòri P 4 de Wuhan, d'óujèt pèr crea o moudifica de virus eisis-tant. D'aqui, l'uno de si creacioun o moudificacioun i'aurié escapa.

2) Lou Proufessour Montagnier, Pres Nobel de medecino pèr la descuberto dóu virus dóu vih, estimo que lou nouvèu virus s'es escapa à l'asard d'uno manipulacioun dóu virus dóu vih pèr lou moudifica.

3) Fort Detrick, is USA, en Maryland, es un cèntrè militàri de recerco bio-medicalo douta, coume à Wuhan, d'un labouratòri P4, ansin que lou quartié generau e principau labouratòri de l'USAMRIID (grand Institut de recerco). Or se capito, d'un, que li loucau de Fort Detrick, dins l'estiéu de 2019 soun esta desinfeita. Et de 2 que de militàri US d'aquéu cèntrè participèron, en Chino, en de Jo internaciounau dins l'estiéu de 2019. Es-ti qu'aurien adus d'embrioun de virus is USA?

4) Enfin, de vesitour dóu labouratòri de Wuhan, an coustata, mai que d'un cop, que lis obro facho eila avien besoun de mai de rigour. Es-ti qu'à l'encauso d'uno manipulacioun pèr lou persounau dóu labouratòri P4, un nouvèu virus sarié apareigu e se sarié escapa? o que la Chino aguèsse fa d'escoundoun d'assai d'armo bioulougico?

N'en sian aqui di recerco.

Jan-Glaude

4) Anulacioun dis ativeta dis Assouciacioun Parlaren :

Parlaren Bedarrido – Anulacioun :

- Cous de prouvençau - 13.03 : Counferènci «*Li creaturo fantastico de Prouvènço*».
- 14.03 : Ditado Regiounalo - 19.03 : Roudelet voucau à Sablet
- 25.03 : Inaguracioun carriero Cacarribò e negado di Lume.
- 26.03 : Roudelet voucau à Baumo de Venisso e lou 02.04.
- 28.03 : Rescontre emé l'escrivan Alan Martin. - 04.04 : Escapado culturalo à Cassis.
- 04 au 09.05 : Espousicioun «*Li fèsto à l'entour di creaturo fantastico de Prouvènço*».
- 09.05 : Counferènci «*Uno dinastio de Tarasco*» - 10.05 : Escapado à la Font de Vaucluso.
- 21.05 : Participacioun au passo-carriero de la fiero di chivau.
- 14.06 : Recampado à Bedouin - 24.06 : Fiò de Sant-Jan. - 28.06 : Fèsto de la meissoun.

Parlaren à Bouleno – Anulacioun :

- Cous de prouvençau enjusquo setèmbe. Messo en plaço d'uno countinuita pedagogico souto la formo de mandadis is escoulan de courrièl emé d'atualita en prouvençau, de ressourso pedagogico e de devè à l'oustau.
- Ativeta dóu CDP e de l'acuei dóu publi, represso poussiblo segound li coundicioun de levado dóu counfinamen. Pamens es assegurado uno vèio amenistrativo.
- Fèsto prouvençalo 2020 previsto lou 14 de Jun. - Fèsto de la musico e de la Sant-Jan.

Parlaren Cadarouso – Anulacioun :

- Cous de prouvençau - Lotò prouvençau dóu 15 de Juliet, repourta au 11 d'Óutobre.

Parlaren Caumont – Anulacioun :

- Cous de prouvençau - Fiò de Sant-Jan - Councert emé Liza.

Parlaren à Jounquiero – Anulacioun :

- Cafè prouvençau dóu 10 d'abriéu. - Cous de prouvençau enjusquo lou 28 de Mai
- Tiatre prouvençau en matinado lou 25 d'Abriéu e en vesprado lou 26 d'Abriéu
- Tiatre à St-Savournin d'Avignoun lou 6 de Jun e lou 13 de jun à Bedouin.

Parlaren en Vaucluso – Anulacioun :

- Estage emé Parlaren Nioun, lou 28 de Mars, à Nioun.
- Nouta : Gestion à doumicilo mantengudo pèr lou secretariat federau.

Li Nouvello de Prouvènço - Anulacioun :

- AG previsto lou 30 de Mars. - Numerò de Mars-Abriéu de la revisto.
- Estage emé Caminan lou 16 de Mai au Bouis di Barounié.
- Estage à-z-Ais de Prouvènço, emé A'Cantari, lou 13 de Jun.
- Gestion di reabounamen e classamen à Champ-Flouri.

Parlaren Païs d'Avignoun – Anulacioun :

- 2 Cous de prouvençau d'Avignoun e 1 à Rougnouna. Li cous se perseguisson pamens pèr courrièl emé lis escoulan qu'an uno adrèisso. AG previsto pèr lou 13 de Mars. - Fèsto de la Musico lou 21 de Jun.

Parlaren Roubioun – Anulacioun :

- Cous de prouvençau. - Sourtido au Palais dóu Roure e à Maiano.
- Repas de fin d'annado escoulàri e de soun animacioun (Jun).

Parlaren Lou Tor - Anulacioun di sourtido de la troupo de tiatre (Li Galejaire) :

- 20.03. - Serado prouvençalo à Monsegur sur Lauzon.
 - 27.03 - Vihado à l'Arbousiero à Gadagno. 04.04 - Vesprado de tiatre à Vedenò.
 - 16.05 - Niue di museon à Perno li Font. 06.06 - Vesprado de tiatre à St Savournin.
 - 13.06 - Recampado à Bedouin. Vesprado de tiatre 15.06 - Respeli, serado de tiatre.
 - 10.07 - Vesprado de tiatre à Carpentras. 14.07 e 17.07 - Tiatre deforo à Perno li Font. >
- Àutris ativeta anulado : 03.05 - 03/05 Printemps du Beffroi au Thor (Journado prouvençalo inaguracioun d'uno carriero e vesprado de tiatre). - Fiò de Sant-Jan.

5) Au 23.04.2020 à 18 h la situacion en França, pèr la pandemio de coronavirus, èro de :

- 13.547 mort en espitalisacion + 8309 mort en EHPAD + li 9.000 mort à doumicilo estima pèr MG França que soun à óuficialisa...

Aqueste toutau dounc pren pas encaro en comte les décès à doumicile degu au virus. De Mars de 2019 à Mars de 2020 i'agu un surplus d'aquéli décès dins França entiero de + 9%. Veiren pèr la chifro di mort à doumicilo la coumparesoun emé li remountado de l'estat-civil. Pièi aquéli d'Abriéu de 2019 à Abriéu de 2020. Emé 9000 mort de plus s'es counfierma passarian davans l'Italio.

6) Pèr la Region PACA au 23.04.2020, e pèr d'uni despartamen dóu Miejour au 22.04.2020, avian li chifro seguènt en resoun de la pandemio de covid-19 :

Aup de Prouvènço-Auto: 7 mort, 30 espitalisacion, 2 reanimacion.

Ardecho* : 53 mort.

Ariejo* : 2 mort.

Audo* : 44 mort.

Aup-Marino : : 111 mort, 270 espitalisacion, 48 reanimacion.

Àutis-Aup : 6 mort, 41 espitalisacion, 8 reanimacion.

Auto-Lèiro* : 7 mort.

Aveiroun* : 20 mort.

Bouco-de-Rose : 327 mort, 1046 espitalisacion, 190 reanimacion.

Cantau* : 3 mort. Creuso* : 5 mort.

Dourdougno* : 6 mort.

Droumo* : 108 mort.

Erau* : 96 mort.

Gard* : 36 mort.

Lousèro* : 0 mort.

Pirenèu Óorientau (Catalougno)* : 25 mort.

Var : 97 mort, 335 espitalisacion, 49 reanimacion.

Vaucluso : 26 mort, 68 espitalisacion, 13 reanimacion.

En quau fau apoundre pèr la Region PACA 238 persouno morto en EHPAD e 101 residènt mort à l'espitau que soun coumprés dins li chifro dis espitalisacion.

Adounc pèr aquesto Region Prouvènço-Aup-Coustiero d'Azur avian :

812 mort, 1799 espitalisacion, 310 reanimacion, manco li mort au siéu.

Pèr li despartamen en foro de PACA, signalan que la chifro di décès au 22.04.2020. Avèn pas la chifro dis EHPAD e di mort à doumicilo.

6) Evoulun de la situacioun dins lou mounde ócidentau pèr ordre d'impourtanço dóu nombre de mort au 23.04.2020 :

USA : 46.996 (dont Etat de New-York) : 14828

Italie* : 25.085

Espagno* : 21.717

Franço* : 21.372 (manco li mort dóu covid-19 à doumicilo).

Reiaume Uni* : 18.100, mai belèu forço mort à doumicilo.

Bèugico* : 6262

Alemagno* : 5211

Oulando* : 4084

Canada : 1966

Suèdo : 1937

Souisso* : 1508

Pourtugau* : 820

Russio : 513

Austrò* : 510

Roumanio : 508

Poulougno : 426

Danemark : 384

Oungrò : 225

Tchequò : 208

Nourvejo : 186

Finlando : 149

Serbio : 134

Grèço : 121

Lissembourg* : 83

Eslouvenio : 79

Moldavio : 76

Bielourussio : 58

Macedoine : 56

Bousnio-Herzegouvino : 53

Bulgarò : 49

Crouatio : 48

Estounio : 44

Lituanio : 38

Albanio : 27

Chipro : 17

Eslouvaquò : 14

Letounio : 11

Mountenegro : 5

Malto : 3

Vous dounan dins li pajo 6 e 7

l'evoulun de la situacioun dins

lou mounde. Seguiran dins un autre

buletin que s'es necite

Pajo 6 : 8 païs marca pèr un * e que soun

lou cor de l'Éurope + lou Reiaume Uni

toutalison :

104.569 mort dóu covid-19

Lis autre ne represènton que :

5452 mort

Pajo 7 : avès quàuqui dounado

moundialo.

Seguissènt,ubre-tout, l'evoulun de la

situacioun dins li gràndi plano dis USA

e dóu Canada.

Signalan lou numerò dóu 23 d'Abriéu
de Vaucluse Matin

qu'a douna 1 pajo entiero d'estùdi e

d'analiso sus li despartamen cubert

pèr soun edicioun.

7) Evoulun de la situacioun dins lou mounde :

4.1. Alemagno : 5211 mort pèr uno pouplacioun de 83.073.100 abitant.

4.2. Argeriò : 402 mort dóu covid-19

4.3. Bèugico : 6262 mort pèr 11.476.279 abitant, alor que la Franço vesino en a forço mens emé si 20.796 mort pèr uno pouplacioun de 67.795.000 (6 fois la Belgique)

4.4. Indo : 600 mort pèr uno pouplacioun de 1.296.834.042 abitant (dise bèn 1 miliard...) (chifro de 2018). Chifro di décès noun seguro. Es lou país que fabrico lou mai de clourouquino e que s'en sièr...Vèn de descurbi un nouvèu covid...

4.5. Japoun : 186 mort, chifro noun seguro.

4.6. USA : 46.996 mort enregistra. Pamens, lou Canada vesin a'gu que 1966 mort, tant coumpres 1041 au Quebec. E, pèr segui la crounico dóu L..4, la situacioun demoro la memo dins li vaste dis anciàni terro indiano e di bisoun, emé, pamens d'augmentacioun tras-que limitado > South Dakota : 8 mort; North Dakota : 13 mort; Idaho (**51 mort**, en resoun de l'Etat de Whasignton proche emé si 10.224 cas pousitiéu e 491 mort); Montana : 12 mort; Wyoming : 6 mort. **Siegue de tout biais que 90 mort tua pèr lou covid-19 pèr uno pouplacioun de 4.788.576 abitant...E de nouta que la situacioun es identico dins li 3 prouvinço canadianno que proulounjon à l'uba lis anciàni plano e terro à bisoun di Dakota, dóu Montana, de l'Idaho e dóu Wyoming : prouvinço d'Alberta emé 61 mort, prouvinço dóu Manitoba emé 6 mort e prouvinço dóu Saskatchewan (1,7 abitant au km2...) 4 mort, siegue 71 mort au toutau degu au corona-virus pèr 6.443.892 abitant.. Fai toujours bon viéure au Far-West e dins li vaste canadian...**

COUME PÈR NOSTE CANTAU E NOSTO LOUSÈRO AQUÉSTIS ESTAT AMERICAN VIVON EM'UN ÈR PUR, UNO NATURO ENCARO PRESERVADO E UNO FORTO DISTANCIACIOUN SOUCIALO ENTRE LIS ABITANT (souvént 2 abitant au KM2) LOU CORONAVIRUS, ADOUNC, A DE PENO PÈR SE I'ACLIMATA E RESCOUNTRA DE POURTAIRE CAPABLE DE L'ESPANDI. De nouta : Etat de New York 14.828 mort.

8) Evoulun de la situacioun sanitàri :

8.1. **555.432 signaturo** pèr l'emplé de la clourouquino : la peticioun Douste-Blazy vers change.org : covid-19, petition douste-blazy, marché desenant vers lou MILIOUN de signaturo.

7) Counfinamen - descounfinamen :

Lou gouvèr, se sèmblo, vèn de requiéula sus lou counfinamen óbligatòri di persouno dins l'age (à coumta de 65-70 an). Dèurien - mète acò au coundiciounau - pousqué se counfina se lou volon e, de tout biais, emplega de masco.

8) Lou Prouvençau pèr li mòti emé Reinié Moucadel :

Leiçoun vounge : ... LI Grand Draio... (04/04/2020)

Coustat routo, Routo di Baus, avèn vist que li causo boulegavon gaire... Coustat draio, la Grand Draio, es un pau diferent... N'en ve-sèn passa de mounde, tout lou jour! Pas tant lou matin, pèr tout dire, que li gènt se lèvon belèu pas trop d'ouro (tôt), e pièi, que fai pas mai caud qu'acò, mai dins lou tantost (Zóu, anen leissa toumba lou parla «felibre» (*la langue des félibres*) e dire pulèu (*plutôt*) : dins l'après-dina...), mai dins l'après-dina, dounc, sèmblo uno vertadiero (*véritable*) proucessioun...

N'i'a que courron, que fan soun « jogging », pichot bandana sus li péu (1), mostro (*montre*) couneitado au pougnet pèr surviha lou «pal-pitant» e garda lou bon ritme... N'i'a que marchon tranquile, parèu (*couples*) que n'aproufichon pèr se parla, esclargi (*éclaircir*) sa (2) (*leur*) situacioun e que volon subretout faire peta (*dézinguer*) aquéu counfinamen que riscarié pièi, à la longo, de faire greia (*germer, naître*) de garrouio (*querelle*), coume s'uno luno marrido (*mauvaise lune*) s'amusavo de tout bourroula (*bouleverser*)... N'i'a que caminon soulet, à la filousofe, e que, proubable, refan (*refont*) lou mounde à soun biais, dins si pensado...

N'i'a que barrulon en famiho, emé li pichot sus si biciéucleto... que s'arrèston tèms en tèms pèr culi un bouquetoun (*un petit bouquet*) o que s'assèton un moumenet sus un pont pèr faire pausetto e maste-ga quatre beskiue (*biscuits*) e un arange... («*arange*» est masculin en provençal).

E pièi, n'i'a que fan tres cop, à touto zuerto, soun tour quoutidian de velò : Li Grand Draio – L'Ome dóu Loup – Lou çamentèri – Li Grand Draio... E vague de pedala coume d'ase, istòri de se boulega lou cadabre (*remuer la carcasse*) e de se garda en formo pèr pousqué tour-na (*de nouveau*) escala li Baus o lis Aupiho, emé li coulègo, quouro saren tóuti, enfin, descounfina...

(1) Mèfi à l'acènt : «péu» = poil, cheveux – «pèu» = la peau...

(2) Mèfi : en prouvençau, «leur» (le possessif : leur maison, leurs enfants...) n'existe pas, on utilise «soun, sa, si» et c'est le contexte qui permet de savoir comment traduire. Ex : «soun chivau» peut signifier aussi bien «son cheval» que «leurs chevaux» et «sis ase» peut signifier aussi bien «ses ânes» (pas lou pintre, naturalamen!) que «leurs ânes»...

Leiçoun douge : Li canard mut... (05/04/2020)

Lou proufessour Raoult, sabès, aquéu de la clourouquino... i'a agu 'n moumen, i'a tres semano d'acò, moute nous n'en parlavon dins li radiò e li televisioun au mens dès cop pèr jour... lou remèdi miracle d'eici, lou proufessour espetaclous e atipi (*atypique*) d'eila, Marsiho vilo de la sauvacioun (*ville du salut*)... basto, n'i'avié que pèr éu...

Emé sa tèsto de Criste vieianchoun e un pau triste, èro lou nouvèu Sauvaire (e à vue jour de Pasco, toumbavo pulèu bèn !), aquéu que parlavo franc e rede (*avec franchise et sans détours*) e que nous ana-vo belèu sourti d'aquelo marrido passo...(de cette période difficile).

E pièi... e pièi... l'avès remarca , vous-autre tambèn?... despièi un desenau de jour aperaqui (*une dizaine de jours environ*), vaqui que radiò e televisioun, d'un cop, se soun croumpa 'n chut (*mot à mot : se sont achetés un silence...*) sus aquel ome que vue jour avans èro lou nouvèu Pasteur, lou nouvèu Yersin (1)... Pu pas un mot! Aqui mai lou grand silènci blanc, la banquiso mediatico dins sa pu grando esplendor...

Coume se i'avié agu un mot d'ordre, un coumandamen, uno decisioun de pu n'en parla d'aquel arlèri, de lou leissa de caire (*de côté*) aquéu braguetian (*charlatan*), d'óublida e de faire óublida e li péu long e lou parla clar d'aquéu falibustié (*flibustier*)...

léu, pèr tout vous dire, emai siegue pas un coumploutisto descadena (*bien que je ne sois pas un complotiste effréné*), aquéu silènci que toumbo d'un cop e d'en-pertout sus un ome que vue jour avans tóuti lou pourtavon au pinacle me fai un pau chifra (*réfléchir*)...

Quau a douna l'ordre de pu rèn dire aqui subre (*là-dessus*)? Moute èi lou chèfe d'ourquèstro? Quau tèn la bagueto?

Coume vai que li media, tóuti au meme moumen, an fa lou canard mut sus lou proufessour marsihés?

Belèu que li «descoudaire» (*décodeurs*) di grand journau, li tant sabentas tracaire (*traqueurs*) de fausso nouvello, li bugadié (*les «laveurs», lavandiers*) que bugadon (*lavent*) mai blanc que blanc, nous lou diran un jour... mai èi pas gagna...(c'est pas gagné).

(1) Alexandre Yersin (1863 – 1943) es éu qu'a descubert lou baciloun (bacille) de la pèsto.

De quàuquis info levado de la telaragno...

* **Li descounfina** : sabèn, tóuti, que faudra se descounfina l'endeman dóu 11 de Mai. Mai, vesès, n'i'a que se descounfinon tóuti li vèspre e que, en liogo de tapa sus de casseirolo, garçon lou fiò d'en pertout pèr entrina la pouliço à se desrouï li cambo pèr lou cas que li Gileto Jauno revendrien. Vaqui la tiero di coumuno e di ciéutat councernido : Asnières, Aulnay-sous-Bois, Belfort, Chanteloup-les-Vignes, Clichy-la-Garenne, Clichy sous-Bois, Échirolles, Faches-Thumesnil, Hem, Laon, La Verrière, Les Mureaux, Lille, Lys-lez-Lannoy, Mantes-la-Jolie, Nanterre, Neuilly-sur-Marne, Toulouse, Rillieux-la-Pape, Roubaix, Rueil-Malmaison, St-Denis, Sartrouville, Strasbourg, Villeneuve-la-Garenne, Wattignies... Villeneuve-la-Garenne, Gennevilliers (escolo encendiado etc), Montreuil, Grenoble, Pau, Ronchin, Versailles, . La seguido au prouchan buletin.

* **Barrulado en Covid-19** : lou quoutidian Midi-Libre vèn de manda en Prouvènço, pièi en Loumbardìo, un parèu de journalisto (un ome e uno femo), pèr faire lou pount sus l'espandimen dóu corona-virus. An passa 2 journado à Marsiho e an trouba uno vilo pasiblo. À Sant-Bartoumiéu lou mounde ócupon un ancian fast-food e fan manja li gènt. Pièi, la Vilo a dous èro, l'O.M. e lou Proufessour Raoult. Li journalisto an entreva un disciple dóu proufessour : pèr éu es un Marsihés di Marsihés. La pandemio decèssò pas de demeni, i'a de mens en mens de depistage. Raoult a trata emé sucès 2939 paciènt emé soucamen 12 décès pèr l'encauso de coumplicacioun de santa impourtanto que cumulavon emé lou virus. 99,6 % de reüssito, osco! l'ome.

* **Sanofi** : sus RMC, Bourdin a aculi lou pelot de Sanofi, aqeste grand laboratòri. Es un tipe que brasso de mountagnasso de sòu. A soustengu l'Institut de Raoult enjusqu'en 2015. Pèr aro, cerco un vacin contro lou virus. Diguè que sarié pas dispounible avans la debuto de 2021. Ramentan que Raoult trato emé lou plaquénil (autre nom de l'hydroxyneclouruoquinò), que la bouito costo que 5 éurò. Se capito que Sanofi pòu fourni en plaquénil sènso proublèmo.

* **Dourdougno** : es un despartamen tras-que rurau de mai de 400.000 abitant. l'a que dos pichòti vilo impourtanto : Brageira e Perigus. La maje part de la pouplacioun rèsto e vièu en campagno. Resulto : 6 mort degu au covid-19.

* **Proufèto** : l'istouriano Louïso Guersan vèn de descurbi un libre, pareigu en francés i'a 15 an, ounte se dis que la CIA avié deja envisaja qu'uno pandemio de coronavirus s'espandirié en...2020!

* **Reloucalisacioun** : emé la pandemio de covid-19 es esta revela qu'avian pas ges de masco, mancavian de lié pèr aculi li malaut, mancavian d'aparèi respiraire, mancavian de...de...de...etc. Adounc, lis endustriau de la farmacio apelon à tourna loucalisa en Franço la filièro chimico que li tòti que nous gouvernon an leissa parti en Asio. D'un autre las, lou persounau espitalié demandon que siegue aplanta lou desmantelamen di CHU e àutri CH. Vaqui-ti pas, qu'à Nancy, en pleno pandemio, un fadòli avié demanda la desaparicioun de 150 lié de reanimacioun e la supressioun de mai de 600 emplé...

* **Carrat musulman** : emé l'arrivado dóu covid-19 s'atrobo que i'a pus ges de plaço dins aquéli carrat dins li çamentèri, comte tengu que 80 % di caisso pleno de mort que partien enjusqu'aro dins li país d'ourigino podon pus i'ana.

* **Costa Delizosa** : es lou noum d'uno d'aquéli fabrico de m...que barrulon sus lis oucean. Aquesto a 800 passagié e 900 membre d'equipage. En revenènt de sabe pus d'ounte a vougu desbarca à Marsiho si 421 passagié francés. Mai lou Prefèt di BDR l'a enebi estènt que li port francés soun enebi, pèr aro, en tóuti li batèu de crousiero. Fin finalo lou Costa Delizosa es ana desbarca à...Barcilouno.

* **Guignol's band** : l'aparicioun d'uno pandemio de coronavirus èro despièi-proun tèms dins lou doumaine dóu poussible. Lis ancian presidènt, Sarkozy, Hollande, e lou nouvèu, Macron, ansin que li presidènt is assemblado, èron e soun pèr li nouvèu, li destinatàri chasque an de «Livres blancs de la Défense et de la Sécurité Nationale». Lis an-ti legi?

* **Tchernobyl** : Mancavo pus qu'acò! Li sèuvo irradiado de 1986 countunion de crema e si tubèio arrivon en Franço, au nostre, dins lou mai grand silènci. D'eici que nous dison que soun partido en Corso...

* **À prepaus de l'Alemagno** : Es necite, avans que d'ana avans, quatre causo :

- L'Alemagno es uno republico FEDERALO de 16 Lânder (o Estat), alor que Franço es une république CENTRALISADO qu'a redu, i'a gaire, lou noumbre de si Region metropoulitano qu'a passa de 22 à 13.

- L'Alemagno a un sistèmo de santa decentralisa e, au contro, de la Franço, a sachu garda au siéu uno grando capacita endustrialo que i'a permes de faire 350.000 tèt dóu virus par semano, alor que Franço, aguènt tras-que forço redu si capacita endustrialo n'en fai (o fasié) que 150.000 e encaro es pas segur... Parié, l'Alemagno a reüssi à proudurre 50 miloun de masco pèr semano, alor que Franço avié pus de fabrico capablo de n'en faire...

- Bono-di l'alerto mandado pèr lou grand virologue, lou Proufessour Crestian Drosten, l'Alemagno a reagi lèu e a beneficia d'un pargue de 40.000 lié de reanimacioun, alor qu'à forço de n'en redurre lou noumbre Franço n'en avié pus que...14.000.

Counsequènci :

- Li gouvèr di Lânder li mai impourtant se soun couourdouna pèr reagi e mies asata la riposto. En Franço, falié que tout venguèsse de...Paris.

- La chifro di mort dóu covid-19 en Alemagno es que de 5.100 alor qu'en Franço, au 21.04.2020, èro de 20.976 à minima (avèn pas li chifro di mort au siéu).

- L'Alemagno vèn d'ataca soun descounfinamen. Lou port dóu masco i'es oubligatòri e, lou ministre de la santa alemand, qu'a uno vesiou strategico de la situacioun, a declara qu'à 4.000 décès la pandemio sara souto countourrole, alor qu'en Franço sian toujours à l'espèro di mountagno de masco necito qu'arivon quand volon e que Region e vilo, an pres la decisioun de n'en coumanda éli meme, coumpleta pèr li particulié que n'en fan de pichòti quantita à l'oustau Afaire de segui...